

# Ysgol Bro Cinmeirch

'Ar ein gorau - glaw neu hindda'




Ysgol Bro Cinmeirch,  
Llanrhaeadr Y.C.  
Dinbych,  
Sir Ddinbych  
LL16 4NL

01745 890 347

Pennaeth: MRs Ffion Higgins  
Cadeirydd y Llywodraethwyr: Mr John Lovegrove

bro.cinmeirch@denbighshire.gov.uk  
<https://www.ysgolbrocinmeirch.co.uk/>  
@BroCinmeirch




# Croeso

Bwriad y llyfryn hwn yw cyflwyno gwybodaeth am drefniadaeth Ysgol Bro Cinmeirch a'n gweledigaeth ar gyfer ein disgyblion.

Mae'r staff a'r Llywodraethwyr yn awyddus i greu awyrgylch ddiogel, hapus a chyfeillgar i bob plentyn sy'n aelod o'r ysgol hon.

Ein gweledigaeth yw cyflwyno profiadau amrywiol a pherthnasol i'r plant er mwyn iddynt feithrin a datblygu'r sgiliau angenrheidiol i dyfu'n bersonau cyfrifol ac annibynnol. Mae eich cydweithrediad chi fel rhieni yn bwysig dros ben yn y broses hon. Mae cydweithio agos a chyson rhwng y cartref a'r ysgol yn hanfodol er mwyn sicrhau'r cyfleoedd addysgol gorau posib i'r plant.

Mae Ysgol Bro Cinmeirch yn ffodus iawn o gael adeilad mor ddeniadol mewn lleoliad arbennig. Hyderaf y bydd cyfnod eich plentyn yn Ysgol Bro Cinmeirch yn un hapus, diddorol a llwyddiannus.



# Staff

Pennaeth: Mrs Ffion Jones



Pennaeth Cynorthwyol: Mrs Sian Griffiths



Athrawes Meithrin a Derbyn: Mrs Sian Griffiths



Athrawes Blwyddyn 1 a 2: Miss Eleri Davies



a Miss Teleri Griffiths



Athro Blwyddyn 3 a 4: Mr Morgan Cordiner



Athrawes Blwyddyn 5 a 6: Mrs Ellyw Vaughan Evans



Cymhorthydd Meithrin a Derbyn: Mrs Kim Roberts-Jones



Cymhorthydd Meithrin a Derbyn: Miss Beca Evans (boreau)



Cymhorthydd 1:1 : Miss Angharad Jones



Cymhorthydd Blwyddyn 1 a 2: Mrs Catrin Haf Jones



Cymhorthydd Blwyddyn 3 a 4: Miss Catrin Jones



Cymhorthydd Blwyddyn 5 a 6: Miss Beca Evans (Prynhawn)



Cogyddes: Ms Carys Williams



Gweinyddol: Mrs Karen Davies




Gofalwr: Miss Donna Dallalio

Clwb brecwast: Mrs Catrin Haf Jones + Miss Colleen Sullivan



Clwb Ffatri Hwyl: Miss Angharad Jones, + Miss Beca Evans



# Trefn

Meithrin : 9.00y.b - 11.30y.b

Llawn amser: 9.00y.b. - 3:15 y.p.

Mae'n bosib i blant Meithrin drosglwyddo o ofal yr ysgol i ofal Cylch Meithrin Llanrhaeadr am 11.30y.b. Byddant wedyn yn cael cinio yn yr ysgol ac yn aros yn y Cylch tan 3.00y.p. Codir tâl am hyn a gellir cael y manylion drwy ffonio Rachel Piggot ar 07726929756 neu drwy [cylchllanrhaeadr@gmail.com](mailto:cylchllanrhaeadr@gmail.com)

Rydym fel staff yn trafod addysg y plant yn rheolaidd.

Dysgir rhai agweddau o'r cwricwlwm i'r disgyblion yn [drawsgwricwlaidd](#) ac wedi ei seilio ar [themâu gwahanol](#) i bob tymor.

Rhoddir pwyslais ar ddatblygu medrau ieithoedd, llythrennedd a chyfathrebu, mathemateg a rhifedd a chymhwysedd digidol ym mhob pwnc. Rydym hefyd yn canolbwyntio ar ddatblygu [medrau meddwl](#) disgyblion i'w hannog i ddod yn fwy annibynnol a chynllunio a myfyrio ar eu gwaith.

Bydd y plant yn cael cyfle i weithio fel [unigolion](#), fel [parau](#), fel aelodau o [grwpiau](#) bychain ac fel aelodau o'r [dosbarth](#) cyfan. Rhennir gwybodaeth gyda'r plant ynglŷn â beth a ddisgwylir ganddynt a sut y gallant lwyddo.

Ceisir sicrhau bod pob plentyn yn:

- datblygu i'w botensial llawn;
- mwynhau dysgu;
- cael cyfle cyfartal;
- gwerthfawrogi ei gwmni a'i sefyllfa;
- parchu ei ysgol a'i gymdeithas.

## Clwb Brecwast


Cynhelir y clwb, o 8.00 hyd 8.45y.b. Mae brecwast ar gael am ddim ond codir £1.00 y plentyn tuag at gostau rhedeg y Clwb. Caiff brecwast ei weini hyd at 8.30 y.b.



## Clwb Fatri Hwyl

Cynhelir y clwb, o dan adain Cyfeillion yr Ysgol, o nos Lun i nos lau rhwng 3.15y.p a 5.15y.p i'r rhai sydd wedi cofrestru. Codir tâl am y gwasanaeth gwarchod yma a gellir cael mwy o fanylion o'r ysgol.





# Nodau ac Amcanion yr ysgol

Nod yr ysgol yw sicrhau addysg o'r ansawdd orau i bob plentyn yn unol â'u hoedran, eu gallu a'u diddordebau. Rydym am i bob disgybl dyfu yn bersonoliaethau lawn, i ddatblygu ac ymarfer eu holl ddoniau a chymhwyso eu hunain i fod yn aelodau cyfrifol o gymdeithas ddwyieithog.

## Amcanion cyffredinol

Creu amgylchfyd ac awyrgylch lle gall plant dyfu, datblygu ac aeddfedu i ddod yn unigolion hyderus, yn ymwybodol o les eraill ac yn aelodau cyfrifol o gymdeithas.

Cynnig addysg o'r ansawdd uchaf bosibl sydd yn adlewyrchu gofynion yr unigolyn, y gymdeithas, yr Awdurdod Addysg a'r Cwricwlwm.

Galluogi pob plentyn i ddatblygu i fod yn rhugl yn y Gymraeg a'r Saesneg fel y gallant gymryd rhan ym mywyd cymdeithasol a diwylliannol y gymdeithas ddwyieithog.

Creu awyrgylch hapus sy'n seiliedig ar gydberthynas o barch a gofal rhwng plant a'i gilydd, rhwng athrawon â phlant a rhwng athrawon a'i gilydd er mwyn caniatáu i'r plant ymagweddu'n gadarnhaol a datblygu mewn hunanhyder.

Sicrhau bod plant yn cael cyfle cyfartal trwy ddarparu ar eu cyfer gwricwlwm sy'n berthnasol, yn wahaniaethol ac yn eang a chytbwys.

Mae Adran 351 Deddf Addysg 1996 yn ei gwneud yn ofynnol i'r Cwricwlwm hyrwyddo datblygiad ysbrydol, moesol a diwylliannol y disgyblion, a dylid eu paratoi ar gyfer cyfleoedd, cyfrifoldebau a phrofiadau bywyd fel oedolyn.

## Derbyniadau

Mae'r ysgol yn dilyn canllawiau Derbyniadau Sir Ddinbych:

<https://www.denbighshire.gov.uk/cy/addysg-ac-ysgolion/derbyn-i-ysgol/derbyn-i-ysgol.aspx>

- Rhaid gwneud cais am dderbyniad i ddsbarth Derbyn ysgol gynradd i'r Awdurdod Lleol yn y lle cyntaf (ffurflen ar wefan Sir Dinbych).
- Os yw'r awdurdod yn methu gosod y plentyn yn yr ysgol a ddewiswyd gan y rhieni, caiff y rhieni gynnig lle i'r plentyn mewn ysgol arall. Caiff y rhieni wedyn dderbyn y dewis arall, neu drafod eu sefyllfa gyda'r Awdurdod, ac os ydynt yn para'n anfodlon, gallant roddi rhybudd o apêl.
- Y mae'n rhaid i'r apêl (a yrrir at y Cyfarwyddwr Dysgu Gydol Oes) fod yn ysgrifenedig gan roddi'r rhesymau dros yr apêl. Pan fydd apêl, fe ddechreuir ar drefn apêl y Ddeddf Addysg, 1980. Rhoddi'r cyfle i'r rhiant, ynghyd a chyfaill os dymunir, ddod gerbron y Pwyllgor Apêl annibynnol. Mae penderfyniad y Pwyllgor Apêl yn derfynol.

## Polisi Cyfle Cyfartal

### Amcanion

- Ein hamcan bob amser yw sicrhau nad yw unrhyw blentyn yn cael ei anfanteisio yn yr ysgol am unrhyw reswm.
- Ein nod yw diwallu anghenion yr holl ddisgyblion i sicrhau cyfle cyfartal.

### Datganiad


- Rydym yn cydnabod bod ein disgyblion yn tyfu i fyny mewn cymdeithas eang sydd â gwahaniaeth o ran hil, crefydd, gwsg, diet ac iaith.

### Cwricwlwm

- Trwy ddewis cynnwys, profiadau ac adnoddau, ein nod yw gwneud cyfraniad positif i gyfle cyfartal ac addysg amlddiwylliannol.
- Ein nod yw darparu deunyddiau ac adnoddau dysgu sy'n anrhywiol, anhiliol ac yn gwahaniaethu o ran gallu.
- Rydym yn sicrhau bod plant yn derbyn negeseuon cadarnhaol o gydraddoldeb trwy gyfundrefn ein hysgol.
- Rydym yn ceisio sicrhau nad yw'r dulliau a'r maint o ganmoliaeth a beirniadaeth a roddir yn anghybwys rhwng bechgyn a merched.
- Caiff disgyblion chwarae rhan ym mhob gweithgaredd allgyrsiol, ymweliadau a theithiau ac ni thybir bod rhai gweithgareddau yn addas ar gyfer merched neu fechgyn yn unig.
- Mae cyfle cyfartal ac addysg aml-ddiwylliant yn ddimensiynau sy'n gwau trwy holi agweddau'r Cwricwlwm.



# Gwybodaeth



## Iaith yr ysgol

Y Gymraeg yw iaith swyddogol yr ysgol ac fe addysgir y disgyblion trwy gyfrwng y Gymraeg. Rydym yn falch iawn o fod yn un o'r ysgolion cyntaf yn Sir Ddinbych i ennill gwobr Aur Siarter Iaith Gymraeg y Llywodraeth.



## Cyrraedd a gadael yr ysgol

Gofynnir i rieni ddod a'u plant i'r brif fynedfa/giât yr ysgol ble y bydd aelod o staff yno i'w croesawu. Os oes rhywun arall yn dod i nôl eich plentyn o'r ysgol, neu os ydy'r plentyn yn mynd i dŷ rywun arall, mae'n bwysig gadael i ni wybod os gwelwch yn dda. Os na wnewch chi hynny, bydd rhaid i'r ysgol ffonio un o'r rhieni. Gofynnir i'r rhieni sydd yn dod i nôl eu plant fod wrth ddrws yr ysgol/ giât am 3:15 y.p.

## Gwisg Ysgol

Gan fod y plant yn gyfrifol am eu dillad a'u hesgidiau eu hunain, RHAID RHOI ENW AR BOPETH gan gynnwys esgidiau.

- Trowsus hir / byr llwyd neu ddu
- Sgert/ trowsus llwyd
- Ffrog las gingham yn yr haf
- Sannau llwyd
- Esgidiau du
- Crys chwys 'navy' / neu gardigan
- crys polo gwyn neu 'navy'


## Dillad Chwaraeon

- Crys gwyn polo a siorts du

Gallwch brynu neu archebu crysau chwys neu'r crysau polo gwyn neu glas efo logo'r ysgol arnynt o Workplace-worksafe, Lon Parcwr, Rhuthun [www.workplace-worksafe.co.uk](http://www.workplace-worksafe.co.uk)



# Gwybodaeth



## Polisi Taliadau

Wrth drefnu gweithgareddau'r ysgol, fe ofynnir i rieni gyfrannu'n wirfoddol i gefnogi'r gweithgareddau hynny. Gwneir pob taliad trwy ParentPay (manyllion o'r ysgol).

Mae'r Corff Llywodraethol yn cadw'r hawl i ofyn am gyfraniadau ychwanegol am y canlynol:

- Ymweliadau addysgol a thripiâu
- Deunyddiau ar gyfer gwaith ymarferol ac aseiniadau prosiect
- Gweithgareddau dewisol y tu allan i oriau ysgol
- Gwersi cerdd unigol gan athrawon cerdd beripatetig.
- Cludiant i wersi nofio

## Salwch a Moddion

Gofynnwn i rieni beidio ag anfon eu plentyn i'r ysgol am 48 awr os ydynt wedi bod yn taflu i fyny. Os bydd plentyn yn sâl yn yr ysgol neu wedi taro ei ben, byddwn yn cysylltu â'r rhiant ac yn gwneud trefniadau iddynt ddod i gasglu'r plentyn.

Ni fydd unrhyw aelod o'r staff yn gyfrifol am weinyddu moddion o unrhyw fath ar gyfer salwch tymor byr. Gallwch ddod i'r ysgol i roi moddion i'ch plentyn os oes rhaid. Os yw eich plentyn yn dioddef o unrhyw salwch tymor hir e.e. Asthma, yna rhaid cwblhau'r ffurflen arbennig fel bod aelod o'r staff yn gallu helpu i weinyddu'r moddion.

Os oes unrhyw anghenion meddygol ar eich plentyn, cysylltwch â'r Pennaeth er mwyn sicrhau'r gofal angenrheidiol.

Peidiwch, os gwelwch yn dda ag anfon eich plentyn i'r ysgol os nad yw'n teimlo'n dda. Rhowch gyfle teg iddo/iddi wella'n llwyr cyn ail-gychwyn.

Mae gan staff yr ysgol dystysgrif cymorth cyntaf. Mae gennym becyn cymorth cyntaf yn yr ysgol a llyfr cofnodi damweiniau neu anhwylder. Rydym hefyd yn anfon adroddiad byr ar unrhyw ddamwain a thriniaeth a roddwyd i fynd i rieni'r plentyn.

## Presenoldeb / Absenoldeb

Mae presenoldeb rheolaidd yn bwysig iawn. Rydym yn ymfalchïo fod ein canrannau presenoldeb yn uchel. Os ydy'ch plentyn yn absennol, rhowch wybod i ni cyn 9.30am trwy alw i mewn, alwad ffôn neu nodyn i'r Pennaeth.

Os yn bosib, rhowch wybodaeth i ni o flaen llaw pan mae apwyntiad efo'r meddyg, deintydd, neu yn yr ysbyty – gall eich plentyn gael ei gyfri'n bresennol ar y gofrestr wedyn.

Os oes angen i'ch plentyn adael yr ysgol yn ystod y dydd a wnewch drefnu i'w gyfarfod yn yr ysgol. Ni chaniateir i blant fynd adref eu hunain yn ystod y dydd am resymau diogelwch.

Anfonir rhestr o ddyddiadau gwyliau i bob teulu'n flynyddol. Cofnodir unrhyw wyliau a gymerir yn ystod y tymor fel 'absenoldeb anawdurdodedig'. Nid yw'r ysgol yn cymeradwyo tynnu plentyn o'r dosbarth ar gyfer gwyliau oni bai fod amgylchiadau eithriadol.

Dylech rannu unrhyw wybodaeth feddygol y dylem fod yn ymwybodol ohono e.e. anawsterau, alergedd a.y.b. a rhoi gwybod i ni os fydd unrhyw newid yn eich cyfeiriad neu rif ffôn cartref, gwaith neu symudol. Rhag ofn fod argyfwng, rydym angen rhif ffôn person arall y gallem gysylltu â nhw petai angen – ffrind, cymydog neu aelod o'r teulu.



# Gwybodaeth

## Anghenion Ychwanegol

Mae plant sydd ag Anghenion Ychwanegol yn cael cefnogaeth yn y dosbarth, a phan fo angen yn cael cymorth allan o'r dosbarth gan aelod o staff yr ysgol neu o ddim datblygu dysgu'r ALI am gyfnod bob wythnos.

Bydd y rhieni yn cael gwybod am bob cam, a bydd eu cydweithrediad yn y broses yn hanfodol i gynydd y plentyn.

Caiff y rhieni wahoddiad i bob adolygiad o gynydd eu plentyn.

Mae gan un aelod o'r Corff Llywodraethol gyfrifoldeb am Anghenion Dysgu Ychwanegol.

## Nyrs Ysgol

Bydd y nyrs ysgol yn galw i weld y plant ar achlysuron arbennig (profion clyw, golwg, mesur taldra a phwysau).

Bydd y nyrs yn trefnu ymweliad hefyd bob blwyddyn i archwilio'r plant sydd newydd ddechrau yn yr ysgol am y tro cyntaf.

## Diogelu Plant

Er mwyn diogelu lles plant mae'r ysgol yn dilyn trefniant y Sir a Chanllawiau Diogelu Plant Sir Ddinbych. Golyga hyn mai lles y plentyn yw'r brif ystyriaeth. Mae cysylltiad agos rhwng yr ysgol a Gwasanaethau Cymdeithasol, yr Heddlu, Ymddiriedolaeth Iechyd ac Asiantaethau Gwirfoddol.

Os oes rheswm i feddwl fod plentyn yn cael ei esgeuluso gan ei rieni neu bobl eraill sy'n gofalu amdano, neu ei fod yn cael ei drin yn wael (e.e. dioddef creulondeb corfforol, ei gam-drin yn rhywiol neu ei boenydio mewn ffordd gorfforol) gan unrhyw un, mae'n rheidwydd ac yn ofynnol i'r ysgol weithredu a chysylltu gyda'r awdurdodau perthnasol. Byddwn yn rhoi lles y plentyn o flaen unrhyw ystyriaeth arall. Y person sydd â chyfrifoldeb am Amddiffyn Plant yn yr ysgol yw Mrs Ffion Higgins (neu Mrs Sian Griffiths yn ei habsenoldeb).

## Cinio Ysgol

Mae cinio'n cael ei baratoi yng nghegin yr ysgol bob dydd a gellir cael copi o'r fwydlen yma:

<https://denbighshireschoolmeals.co.uk/bwydlenni-cynradd/>

Mae croeso i'ch plentyn ddod a phe cyn bwyd iach i'r ysgol os yw'n dymuno.



# Cwricwlwm

## Addysg Cydberthynas a Rhywioldeb

Mae Addysg Cydberthynas a Rhywioldeb yn ychwanegu'n gyfrifol ac yn ddatblygiadol at wybodaeth a phrofiadau plant am eu cyrff a'u perthynas â'r byd o'u cwmpas. Trwy Addysg Cydberthynas a Rhywioldeb bydd y disgyblion yn gallu delio'n well â blaen-aeddfedrwydd a byddant yn datblygu hunan barch a'r gallu i fod yn hyderus yn eu harddegau.

Dylai unrhyw gwestiwn a gaiff ei ofyn gan ddisgybl gael ei ateb yn onest a chywir. Bydd Pennaeth yr ysgol yn trafod llencyndod gyda phlant sydd ar eu blwyddyn olaf yn yr ysgol gan ddilyn rhaglen hyfforddiant arbennig a bydd dau aelod o staff yn bresennol yn y gwersi. Bydd yr ysgol yn hysbysu'r rhieni o hyn yn ein cylchlythrau.

## Crefydd, Gwerthoedd a Moeseg

Mae disgyblion yn cymryd rhan mewn gweithred ddyddiol o addoliad. Cristnogaeth yw cyfrwng ein haddoliad yn bennaf. Mae gwasanaethau dosbarth yn ymdrin â chrefyddau eraill yn ogystal â Christnogaeth. Anogir disgyblion i barchu a gwerthfawrogi crefyddau pob diwylliant er mwyn iddynt ddatblygu yn aelodau aeddfed o gymdeithas.

Gall plant gael ei heithrio o'r addoli dyddiol os dymuna rhieni.



## Creadigrwydd


Mae Ysgol Bro Cinmeirch yn ymfalchïo ein bod yn cynnig profiadau creadigol gwerthfawr i'n disgyblion.

## Gwersi Cerdd

Mae gennym bartneriaeth dda iawn hefo Cwmni Cerdd Gydweithredol Sir Ddinbych ac mae canran uchel o ddisgyblion CA2 yn derbyn gwersi llais ac offerynnol gan athrawon cerdd beripatetig.



# Cwricwlwm



## Chwaraeon a Gweithgareddau Allgyrsiol

Mae pob plentyn yn cymryd rhan mewn ystod o chwaraeon a gweithgareddau corfforol eraill, megis nofio, gymnasteg ac athletau. Mae gofod ac adnoddau da gennym ac rydym yn defnyddio pwll nofio Dinbych. Y mae'n ofynnol i bob disgybl fedru nofio 25 metr erbyn diwedd ei gyfnod yn yr ysgol gynradd. Fel ysgol Gymraeg, anogir y plant i ymaelodi a chymryd rhan yng ngweithgareddau'r Urdd. Mae disgyblion yn cymryd rhan yng ngala nofio Sir Ddinbych a gala'r Urdd, mabolgampau'r Urdd a rhedeg traws gwlad rhyng-ysgolion.

Rydym yn cydweithio ag ysgolion bychain eraill i drefnu gweithgareddau chwaraeon ac addysg awyr agored Rydym yn rhan o Gymdeithas Chwaraeon Ysgolion Cynradd Sir Ddinbych ac yn cystadlu mewn gweithgareddau fel mabolgampau Dyffryn Clwyd, traws gwlad, pêl droed a phêl rwyd.

Yn ystod y pedair blynedd y bydd plant yng Nghyfnod Allweddol 2, trefnir ymweliadau preswyl i'r canolfannau canlynol lle caiff disgyblion brofiadau eang ac anturus:

Pentrellyncymer – BI 3 a 4

Glan Llyn – BI 3 a 4

Llangrannog – BI 5 a 6

Caerdydd – BI 5 a 6



# Ymddygiad

Mae'r plant yn cael eu hannog i ddatblygu parch a chyfrifoldeb tuag at eraill mewn amgylchedd lle mae gan y staff ddisgwyliaid uchel am ymddygiad priodol. Rydym yn addysgu'r plant i gydnabod yr effaith gaiff eu hymddygiad hwy ar eraill. Os oes achos lle mae ymddygiad plentyn yn achosi pryder, yna cysyllti'r a'r rhieni a byddwn yn gweithio gyda'n gilydd i geisio gwella'r ymddygiad.

Mae gan yr ysgol bolisi Atal Bwlio ac mae pob disgybl yn ymwybodol na chaiff unrhyw fath o fwlio ei oddef yn yr ysgol.



# Cynghorau

## Cyngor Ysgol

Credwn fod y Cyngor Ysgol yn rhan hanfodol o wneud penderfyniadau ac arwain ein hysgol .

Rydym yn:

- Lleisio barn holl ddisgyblion yr ysgol
- Hybu gwerthoedd yr ysgol
- Ceisio gwella'r ysgol
- Ceisio edrych ar ôl ein hysgol a'r amgylchedd
- Trefnu bob math o weithgareddau yn yr ysgol
- Codi arian at elusennau pwysig.



## LLeisiau Lles

Mae gennym ni gyfrifoldebau pwysig iawn yn yr ysgol ac rydym i gyd yn mwynhau ein gwaith. Ein rôl ni ydi:

- Annog pawb i siarad os ydynt yn drist.
- Trefnu digwyddiadau amser chwarae er mwyn gwneud yn siwr bod neb yn unig.
- Rhoi holiaduron lles allan i blant ac edrych ar wella'r canlyniadau.
- Sicrhau awr lles yr wythnos i bob dosbarth a chreu pecyn o adnoddau.
- Cynnig cefnogaeth, cymorth a chynngor i blant eraill.



## Dewiniaid Digidol

I ddatblygu sgiliau Technoleg Gwybodaeth (TG) a chymhwysedd digidol ein disgyblion ac oedolion yn Ysgol Bro Cinmeirch, rydym yn gweithredu rhaglen o Arweinwyr Digidol sef ein 'Dewiniaid Digidol'.

Fel rhan o dîm, mae'r Dewiniaid Digidol yn ymgymryd â'r swyddogaethau canlynol o fewn yr ysgol:

- Rhannu eu sgiliau a'u harbenigedd gyda disgyblion, dosbarthiadau ac athrawon eraill.
- Cydosod offer TG mewn dosbarthiadau ar gyfer athrawon, a helpu i gadw offer TG.
- Arwain clybiau TG.
- Gweithio gyda disgyblion o ysgolion eraill ar brosiectau penodol.
- Darparu Cymorth Technegol.
- Hyfforddi a chefnogi staff.



# Cynghorau

## Llysgenhadon Iaith

Mae gennym ni gyfrifoldebau pwysig iawn yn yr ysgol ac rydym i gyd yn mwynhau ein gwaith. Ein rôl ni ydi:

- Annog pawb i siarad Cymraeg yn yr ysgol bob amser.
- Trefnu digwyddiadau Cymreig yn yr ysgol e.e Diwrnod Sumai Shwmae, Dydd Miwsig Cymru, digwyddiadau gyda'r Urdd a llawer iawn mwy.
- Trefnu rhestrau chwarae Cymraeg ac annog pawb i wrando ar gerddoriaeth Gymraeg.
- Annog pawb i wyllo a gwranddo ar raglenni Cymraeg ar y teledu, radio ac ar y we.
- Ac yn olaf...sef darn gorau a phwysicaf ein gwaith...ydi gwobrwyo plant yn y Gwasanaeth gyda sticer am siarad Cymraeg gwych!




## Pwyllgor Eco

Mae gennym ni ddyletswyddau pwysig yn yr Ysgol ac rydym wedi cynnal adolygiad amgylcheddol i weld lle mae angen i ni ddatblygu Gwaith yr Ysgol fel Ysgol Eco.

Ein rôl ni ydy:

- Annog pawb i ailgylchu ac aildddefnyddio.
- Helpu i ddatblygu ardaloedd deniadol o amgylch yr Ysgol e.e plannu blodau a phlanhigion.
- Hybu pawb i arbed ynni drwy ddiffodd goleuadau.
- Lleihau gwastraff yn yr Ysgol.
- Creu mannau tawel ar dir yr Ysgol i hybu bywyd gwylt.
- Byddwn yn gwneud cyflwyniadau yn y gwasanaeth ac yn cynnal diwrnodau arbennig i hyrwyddo gwaith yr Ysgol Eco.





# Y gymuned

## Rhieni

Mae plant yn dysgu llawer gwell pan fydd rhieni ac athrawon yn cydweithio ac yr ydym yn annog y bartneriaeth hon. Gofynnir i rieni arwyddo cytundeb rhwng y cartref a'r ysgol pan fydd plentyn yn dechrau i ysgol yn llawn amser.

Rydym yn gofyn i'r plant ddarllen adref. Mae cymorth rhieni wrth drafod a chynorthwyo'u plant i ymarfer eu sgiliau darllen yn amhrisiadwy.

Mae gwaith cartref yn cael ei osod yn achlysurol i'r plant sydd yn dilyn y Cwricwlwm ac mae'r gwaith yn estyniad o waith y dosbarth.

Mae noson agored rieni ddwywaith y flwyddyn (gydag adroddiad ysgrifenedig byr) lle mae cyfle i drafod datblygiad eich plentyn gyda'r athrawon perthnasol. Os dymunwch, fe fydd staff yn barod i neilltuo amser i drafod eich plentyn ar unrhyw amser yn ystod y flwyddyn os gwneir apwyntiad o flaen llaw.

## Cymuned ehangach

Mae gan Ysgol Bro Cinmeirch berthynas glos a'r gymuned leol. Caiff y plant eu hannog i warchod eu hamgylchfyd a bod yn aelodau cyfrifol o'u cymuned. Rydym yn cynnal ymgyrchoedd yn gyson i godi arian at elusennau. Byddwn yn cymryd rhan mewn Gwasanaeth Diolchgarwch a chyngerdd Nadolig mewn lleoliadau yn y gymuned. Gwahoddir aelodau'r gymuned i ymuno a ni ar sawl achlysur yn ystod y flwyddyn.


## Cymdeithas Rhieni ac Athrawon

Mae Cymdeithasol Rhieni ac Athrawon gweithgar yn yr ysgol. Maent yn cyfarfod pob tymor i drefnu gweithgareddau i godi arian, gweithgareddau cymdeithasol a chefnogi'r ysgol mewn amryw ffyrdd. Croesawn rieni newydd i ymuno yng ngweithgareddau'r gymdeithas.

Cadeiryddion ac ysgrifenyddion: Lowri Salisbury, Gemma Williams + Ceri Jones

Trysorydd: Emily Pierce





# Ysgolion Uwchradd

## Trosglwyddo i Ysgolion Uwchradd

Yn yr Hydref, anfonir ffurflen i bob rhiant gyda rhestr o Ysgolion Uwchradd yr ardal. Yn y blynyddoedd diwethaf, mae'r rhan fwyaf o blant Ysgol Bro Cinmeirch wedi trosglwyddo i Ysgol Brynhyfryd ac Ysgol Glan Clwyd. Os yw rhieni eisiau manylion pellach am yr ysgolion uwchradd dylent gysylltu gyda'r Ysgol Uwchradd berthnasol.

Anfonir cadarnhad o dderbyniad gan yr Ysgol Uwchradd ddiwedd mis Chwefror.

Mae gan yr ysgol berthynas agos gyda'r Ysgolion Uwchradd. Er mwyn hwyluso trosglwyddiad y disgyblion o Addysg Gynradd i Addysg Uwchradd trefnir diwrnodau trosglwyddo ar ddechrau mis Gorffennaf fel arfer er mwyn i'r disgyblion gael treulio'r diwrnod yn eu hysgol newydd i ddod i adnabod y staff, yr ysgol a'u cyd-ddisgyblion. Hefyd mae'r athrawon cynradd ac uwchradd yn cyd-weithio ar rai materion Cwricwlaid.



## Dogfennau

Caiff rhieni drefnu i ddod i'r ysgol i weld copiau o ddogfennau mae ganddynt hawl i'w gweld ee cylchlythyrau'r Cynulliad Cenedlaethol, Adroddiadau ESTYN, dogfennau'r Cwricwlwm, cynlluniau gwaith.

Mae polisiau'r ysgol ar gael i unrhyw riant sy'n dymuno eu gweld.





# Ymgysylliad ac Ymddygiad

Hawliau a chyfrifoldebau mewn perthynas â rhieni a gofalwyr

Parodrwydd - Dylai pawb gyrraedd yr ysgol gyda'r agwedd, offer ac ymddangosiad cywir sy'n eu paratoi ar gyfer llwyddiant.

Parch - Mae ein hysgol yn gwerthfawrogi urddas pob aelod o'n cymuned. Dylai pawb ddangos parch tuag at eu hunain ac at holl aelodau cymuned yr ysgol.

Cyfrifoldeb - Mae gan bawb gyfrifoldeb ar y cyd ac unigol i sicrhau bod ein hymddygiad yn hyrwyddo dysgu effeithiol a diogelwch cymuned yr ysgol. Mae angen i bawb dderbyn cyfrifoldeb am eu gweithredoedd eu hunain.

- Bydd cydweithrediad a chysondeb rhwng y rhieni a'r ysgol yn arwain at well canlyniadau ar gyfer eich plentyn.
- Credwn fod gan yr holl rieni hawl i gael llais, i gael eu deall a'u parchu. Fodd bynnag, mae gan staff a llywodraethwyr yr ysgol yr un hawliau.
- Disgwyliwn i chi fod yn gwrtais.
- Ni fyddwn yn goddef ymddygiad ymosodol, camdriniol neu afresymol.

Disgwyliwn i rieni a gofalwyr:

- Gefnogi'r ysgol.
- Cydymffurfio â holl weithdrefnau a pholisïau'r ysgol.
- Gweithio mewn partneriaeth gyda staff i sicrhau ymddygiad da.
- Cynnal gohebiaeth.
- Hysbysu staff yn glŷn ag unrhyw bryderon.
- Ymateb i bryderon a godwyd gan aelodau o staff.
- Sicrhau bod disgyblion yn dod i'r ysgol gyda'r offer priodol ac yn barod i weithio.
- Osgoi trafod unrhyw bryderon o flaen eich plant neu rieni eraill.
- Osgoi defnyddio cyfryngau cymdeithasol fel y rheng flaen ar gyfer cwynion.
- Cydymffurfio â safonau ymddygiad derbyniol bob amser.
- Honiadau maleisus a wnaed gan rieni.

Os yw rhiant yn gwneud honiad yn erbyn aelod o staff, dylai bod datrys yr honiad yn gyflym yn flaenoriaeth glir er budd pawb. Ar unrhyw gam yn ystod ystyriaeth neu ymchwiliad, dylid osgoi oedi diangen. Dylid trin honiadau gan ddefnyddio'r polisïau a'r gweithdrefnau priodol. Mae'n debygol y bydd rhieni sydd wedi gwneud honiadau maleisus wedi torri'r Polisi Ymddygiad Annerbyniol. Felly dylai'r ysgol ystyried a ddylid cymhwyso cosb briodol neu gysylltu â'r heddlu os oes sail i gredu bod trosedd wedi'i chyflawni.

## Cwynion

Os ydych yn anhapus am unrhyw reswm, mae Cyfundrefn Cwynion Swyddogol ar gael er mwyn ateb unrhyw gwynion am gwricwlwm neu addoliad.

Mae croeso i chi drefnu i drafod unrhyw fater gyda'r Pennaeth.

Mae tri cham wedi eu nodi ar gyfer gweithredu'r gyfundrefn;

1. Fe fydd modd ateb y rhan fwyaf o gwynion trwy drafod y mater dan sylw gyda'r Pennaeth.
2. Os nad oes modd i'r pennaeth gynnig ateb boddhaol o fewn yr Ysgol, yna dylech nodi eich cwyn yn ysgrifenedig i Gadeirydd y Llywodraethwyr.
3. Os nad ydych yn fodlon ag ymateb yr ysgol / Corff Llywodraethol, gallwch gwyno'n ffurfiol i'r Adran Addysg yn yr Awdurdod Lleol.